

Tu, ca nun chiagne!

E. de Curtis, Bovio

Comm'è bella 'a muntagna stanotte
bella accussì nun l'aggio vista maje!
N'anema pare rassignata e stanca
sott' 'a cuperta 'e chesta luna janca...

*Tu, ca nun chiagne e chiagnere me faie,
tu, stanotte, addò staie?
Voglio a te! Voglio a te!
Chist'uocchie te vonno n'ata vota vedè!*

Comm'è calma 'a muntagna stanotte:
cchiù calma 'e mo nun l'aggio vista maje!
E tutto dorme, tutto dorme o more
e i' sulo veglio, pecché veglia ammore.

*Tu, ca nun chiagne e chiagnere me faie,
tu, stanotte, addò staie?
Voglio a te! Voglio a te!
Chist'uocchie te vonno n'ata vota vedè!*